

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

漢

楊侍郎

第

柒

冊

V. 7







易詩郎集

題辭

一



揚侍郎集



揚侍郎集題辭

劇秦美新諛文也後世勸進九錫皆  
權輿焉元后誅哀思文母盛譽宰衡  
猶然美新豈有周人申后之思乎予  
嘗疑子雲耆老清靜王莽之世身向  
日景何愛一官自奪立守班史作傳



亦未顯訾其符命之作傳聞真僞尚在龍蛇間或者莽善誑耀頌功德者遍海內莫不高三皇巍五帝子雲美新猶頗醞藉鮮醜孟堅讀而不怪也法言世貴太玄後顯並輔六經而行河東甘泉長楊羽獵四賦絕倫自比



諷諫相如不死逐貧賦長於解嘲釋  
愁送窮文士調脫多原於此十二州  
二十五官箴虞書魯頌之遺也酒箴  
滑稽陳遵見而拊掌甯讓淳于髡說  
酒哉

婁東張溥題



亦不難言其有往來親密眼

斷詩之問或有不齊其証耀頌功紀者

留辭則數見而排掌辭辭高千學翁

三十正官辭則書辭於之想也辭翁

慈哉潔女士臨銀參氣飲此半三股

屈藉賦賦不亦多食知具飲繼胸彩



楊侍郎集目錄

賦

太玄賦

逐貧賦

甘泉賦

羽獵賦

長楊賦

河東賦

上書

諫不受單于朝書

書

答劉歆書

答桓譚書



與桓譚書

答茂陵郭威書

設難

解嘲

解難

頌

趙充國頌

箴

冀州牧箴



兗州牧箴

青州牧箴

徐州牧箴

揚州牧箴

荊州牧箴

豫州牧箴

益州牧箴

雍州牧箴

幽州牧箴



并州牧箴

交州牧箴

光祿勳箴

衛尉箴

太僕箴

廷尉箴

大鴻臚箴

宗正箴

大司農箴



少府箴

執金吾箴

將作大匠箴

城門校尉箴

上林苑令箴

司空箴

太常箴

尚書箴

博士箴



酒箴

箴補

潤州牧箴

太史令箴

太樂令箴

大官令箴

國三老箴

司命箴

符命



劇秦美新文 有序

連珠

連珠二首

誄

元后誄

文

太玄攤

難蓋天八事

騷



反離騷

序傳

目序傳

附錄

傳贊

揚侍郎集目錄終



揚侍郎集卷全

漢蜀郡揚雄子雲著

明太倉張溥天如閱

賦

太玄賦

觀太易之損益兮，覽老氏之倚伏。省憂喜之共  
門兮，察吉凶之同域。皦皦著乎日月兮，何俗聖  
之暗燭。豈惕寵以冒災兮，將噬臍之不及。若飄  
風不終朝兮，驟雨不終日。雷隆隆而輒息兮，火



猶熾而速滅、自夫物有盛衰、今況人事之所極、  
奚貪婪於富貴、今迄喪躬而危族、豐盈禍所棲、  
今名譽怨所集、薰以芳而致燒、今膏含肥而見  
炳、翠羽燬而殃身、今蚌含珠而擘裂、聖作典以  
濟時、今驅蒸民而入甲、張仁義以爲綱、今懷忠  
貞以矯俗、指尊選以誘世、今疾身沒而名滅、豈  
若師由晦、今執立靜於中谷、納僞祿於江淮、今  
楫松喬於華岳、升崑崙以散髮、今踞弱水以濯  
足、朝發軔於流沙、今夕翱翔乎碣石、忽萬里而



一頓兮，過列仙以託宿。役青要與承戈兮，舞馮夷以作樂。聽素女之清聲兮，觀宓妃之妙曲。茹芝英以禦餓兮，飲玉醴以解渴。排閭闔以窺天庭兮，騎騂驄以蜘蛛。載羨門與儷游兮，永覽周乎八極。

亂曰：甘餌含毒，難數嘗兮。麟而可羈，近犬羊兮。鸞鳳高翔，戾青雲兮。不掛網羅，固足珍兮。斯錯位極，離大戮兮。屈子慕清，葬魚腹兮。伯姬曜名，焚厥身兮。孤竹二子，餓首山兮。斷跡屬婁，何足



揚子遁世集 卷全 二  
稱兮。辟斯數子。智若淵兮。我異於此。執太玄兮。  
蕩然肆志。不拘攣兮。

逐貧賦

揚子遁世。離俗獨處。左鄰崇山。右接曠野。鄰垣  
乞兒。終貧且窶。禮薄義弊。相與羣聚。惆悵失志。  
呼貧與語。汝在六極。投棄荒遐。好爲庸卒。刑戮  
是加。匪惟幼稚。嬉戲土砂。居非近鄰。接屋連家。  
恩輕毛羽。義薄輕羅。進不由德。退不受呵。久爲  
滯客。其意謂何。人皆文繡。余褐不完。人皆稻粱。



我獨藜飧。貧無寶玩。何以接歡。宗室之燕。爲樂  
不繁。徒行負賃。出處易衣。身服百役。手足胼胝。  
或耘或耔。露體霑肌。朋友道絕。進官凌遲。厥咎  
安在。職汝爲之。舍汝遠竄。崑崙之顛。爾復我隨。  
翰飛戾天。舍爾登山巖穴。隱藏爾復我隨。陟彼  
高岡。捨爾入海。汎彼柏舟。爾復我隨。載沉載浮。  
我行爾動。我靜爾休。豈無他人。從我何求。今汝  
去矣。勿復久留。貧曰唯唯。主人見逐。多言益嗤。  
心有所懷。願得盡辭。昔我乃祖。宣其明德。克佐



帝堯。誓爲典則。土階茅茨。匪雕匪飾。爰及世季。  
縱其昏惑。饕餮之群。貪富苟得。鄙我先人。乃傲  
乃驕。瑤臺瓊榭。室屋崇高。流酒爲池。積肉爲嶠。  
是用鵠逝。不踐其朝。三省吾身。謂予無訾。處君  
之家。福祿如山。忘我大德。思我小怨。堪寒能暑。  
少而習焉。寒暑不忒。等壽神仙。桀跖不顧。貪類  
不干。人皆重蔽。子獨露居。人皆怵惕。子獨無虞。  
言辭旣罄。色厲目張。攝齊而興。降階下堂。誓將  
去汝。適彼首陽。孤竹二子。與我連行。余乃避席。



辭謝不直，請不貳過。聞義則服，長與汝居。終無厭極，貧遂不去。與我遊息。

### 甘泉賦

孝成帝時，客有薦雄文似相如者。上方郊祀甘泉，泰畤汾陰后土，以求繼嗣。召雄待詔承明之庭。正月，從上甘泉，還奏甘泉賦。以風其辭曰：

惟漢十世，將郊上立。定泰畤，擁神休，尊明號。同符三皇，錄功五帝。卹胤錫羨，拓迹開統。於是乃命群僚，歷吉日，協靈辰。星陳而天行，詔招搖與



太陰兮伏鈞陳使當兵屬堪輿以壁壘兮捎夔  
魑而扶獠狂八神奔而警蹕兮振殷鑠而軍裝  
蚩尤之倫帶干將而秉玉戚兮飛蒙茸而走陸  
梁齊總總以搏搏其相膠轄兮焱駭雲迅奮以  
方攘駢羅列布鱗以雜沓兮傑僂參差魚頡而  
鳥眈翕赫芻霍霧集而蒙合兮半散照爛燦以  
成章於是乘輿廼登夫鳳凰兮而翳華芝駟蒼  
螭兮六素虬螭略韉綏離虜襜纒帥爾陰閉雪  
然陽開騰清霄而軼浮景兮夫何旃旒郅偁之



旖旎也、流星旄以電燭兮、咸翠蓋而鸞旗屯萬  
騎於中營兮、方玉車之千乘、聲駉隱以陸離兮、  
輕先疾雷而馭遺風、臨高衍之崿嶷兮、超紆譎  
之清澄、登椽欒而犂天門兮、馳閶闔而入凌兢  
是時未、轅夫甘泉也、廼望通天之繹繹、下陰潛  
以慘慄兮、上洪紛而相錯、直峢峢以造天兮、厥  
高慶而不可乎彌度、乎原唐其壇漫兮、列新黃  
於林薄、攢并間與菱括兮、紛被麗其亡鄂、崇邱  
陵之駮駮兮、深溝欽巖而爲谷、逞逞離宮般以



相燭兮封巒石關施靡乎連屬於是大廈雲譎  
波詭摧曜而成觀仰矯首以高視兮目瞋眴而  
無見正瀏濫以弘恂兮指東西之漫漫徒徊徊  
以徨徨兮魂魄眇眇而昏亂據軫軒而周流兮  
忽块北而無垠翠玉樹之青蔥兮璧馬犀之璘  
珣金人仡仡其承鐘虞兮嵌巖巖其龍鱗揚光  
曜之燎燭兮垂景炎之所所配帝居之懸圃兮  
象泰壹之威神洪臺崛其獨出兮檄北極之嶸  
嶸列宿迺施於上榮兮日月纔經於枅振雷鬱



律於巘窳兮電倏忽於牆藩鬼魅不能自逮兮  
半長途而下顛厯倒景而絕飛梁兮浮蟻蠓而  
撇天左攬槍而右立冥兮前燁闕而後應門蔭  
西海與幽都兮涌醴汨以生川蛟龍連蜷於東  
厓兮白虎敦圉乎崑崙覽樛流於高光兮溶方  
皇於西清前殿崔巍兮和氏玲瓏抗浮柱之飛  
棖兮神莫莫而扶傾閭閭其寥廓兮似紫宮  
之崢嶸駢交錯而曼衍兮崦嵫隗乎其相嬰乘  
雲閣而上下兮紛蒙籠以混成曳紅采之流離



今颺翠氣之宛延襲璇室與傾宮兮若登高眇  
遠亡國肅乎臨淵迴焱肆其碭駭兮玃桂椒而  
鬱移楊香芬弗以穹窿兮擊薄櫨而將榮薌咲  
盼以棍批兮聲駢隱而厯鍾排玉戶而颺金鋪  
兮發蘭蕙與芎藭帷弼環其拂汨兮稍暗暗而  
靚深陰陽清濁穆羽相和兮若夔牙之調琴般  
倕棄其剗剗兮王爾投其鉤繩雖方征僑與偓  
佺兮猶彷彿其若夢於是事變物化目駭耳回  
蓋天子穆然珍臺間館璇題玉英螭蜎蠖濩之



中惟夫所以澄心清魂。儲精垂思。感動天地。逆  
釐三神者。廼搜逖索偶。臯伊之徒。冠倫魁能。函  
甘棠之惠。挾東征之意。相與齊乎陽靈之宮。靡  
薜荔而爲席兮。折瓊枝以爲芳。喻清雲之流霞  
兮。飲若木之露英。集乎禮神之囿。登乎頌祇之  
堂。建光耀之長旂兮。昭華覆之威威。攀璇璣而  
下視兮。行遊目乎三危。陳衆車於東阡兮。肆玉  
軼而下馳。漂龍淵而還九垓兮。窺地底而上回  
風。澁澁而扶轄兮。鸞鳳紛其銜韉。梁弱水之漚



淡兮躡不周之逶迤想西王母欣然而上壽兮  
屏玉女而却宓妃玉女亡所眺其清臚兮宓妃  
曾不得施其蛾眉方攬道德之精剛兮侔神明  
與之爲資於是欽柴宗祈燎薰皇天臯搖泰壹  
舉洪頤樹靈旗樵蒸昆上配藜四施東燭滄海  
西燿流沙北熿幽都南煬丹厓玄璚觶膠秬鬯  
泔淡盱蠭豐融懿懿芬芬炎感黃龍兮燦訛碩  
麟選巫咸兮呌帝閭開天庭兮延群神儼暗藹  
兮降清壇瑞穰穰兮委如山於是事畢功弘廻



車而歸度三巒兮偁崇黎天閭決兮地垠開八  
荒協兮萬國諧登長平兮雷鼓磔天聲起兮勇  
士厲雲飛揚兮雨滂沛于胥德兮麗萬世亂曰  
崇崇園邱隆隱天兮登降剡施單墜垣兮增宮  
參差駢嵯峨兮嶺嶸嶙峋洞無厓兮上天之綽  
杳旭卉兮聖皇穆穆信厥對兮徠祇郊禋神所  
依兮徘徊招搖靈迤迤兮輝光眩耀降厥福兮  
子子孫孫長無極兮

羽獵賦

賦



孝成帝時羽獵雄從以爲昔在二帝三王宮館  
臺榭沼池苑囿林麓藪澤財足以奉郊廟御賓  
客充庖厨而已不奪百姓膏腴穀土桑柘之地  
女有餘布男有餘粟國家殷富上下交足故甘  
露零其庭醴泉流其唐鳳凰巢其樹黃龍游其  
沼麒麟臻其囿神爵棲其林昔者禹任益虞而  
上下和草木茂成湯好田而天下用足文王囿  
百里民以爲尚小齊宣王囿四十里民以爲泰  
大裕民之與奪民也武帝廣開上林東南至宜



春鼎湖御宿昆吾，旁南山西至長楊五柞，北繞  
黃山，濱渭而東。周袤數百里，穿昆明池，象滇河，  
營建章鳳闕，神明馭娑，漸臺太液，象海水周流，  
方丈瀛洲蓬萊，遊觀侈靡，窮妙極麗，雖頗割其  
三垂，以贍齊民，然至羽獵，甲車戎馬，器械儲侍，  
禁禦所營，尚泰奢麗，誇詡非堯舜成湯文武三  
驅之意也。又恐後世復修前好，不折中以泉臺。  
故聊因校獵賦，以風之。其辭曰：  
或稱羲農，豈或帝王之彌文哉。論者云：否，各亦



並時而得宜。奚必同條而共貫。則泰山之封焉。  
得七十而有二儀。是以創業垂統者。俱不見其。  
爽。遐邇三五。孰知其是非。遂作頌曰。麗哉神聖。  
處於玄宮。富既與地乎侔。貲貴正與天乎比崇。  
齊桓曾不足使扶輶。楚嚴未足以爲驂乘。狹三。  
王之阨僻。嶠高舉而大興。歷五帝之寥廓。涉三。  
皇之登閔。建道德以爲師友。仁義與之爲朋。於。  
是立冬季月。天地隆烈。萬物權輿於內。徂落於。  
外。帝將惟田于靈之囿。開北垠受不周之制。以。



終始顓頊玄冥之統乃詔虞人典澤東延昆鄰  
西馳閭闔儲積共恃戍卒夾道斬叢棘夷野草  
禦自汧渭經營艷鎬章皇周流出入日月天與  
地杳爾乃虎路三嶮以爲司馬圍經百里而爲  
殿門外則正南極海邪界虞淵鴻濛沆茫碣以  
崇山營合圍會然後先置乎白楊之南昆明靈  
沼之東賁育之倫蒙盾負羽杖鎬邪而羅者以  
萬計其餘荷垂天之罽張竟墜之杲靡日月之  
朱竿曳簋星之飛旗青雲爲紛虹蜺爲纒屬乎



崑崙之墟。渙若天星之羅。浩如濤水之波。淫淫  
與與。前後要遮。櫓槍爲闔。明月爲候。熒惑司命。  
天弧發射。鮮扁陸離。駢衍佻路。徽車輕武。鴻網  
捷獵。殷殷軫軫。被陵緣坂。窮負極遠者。相與列  
乎高原之上。羽騎營營。眎分殊事。繽紛往來。輻  
轳不絕。若光若滅者。布乎青林之下。於是天子  
乃以陽晁始出乎玄宮。撞鴻鍾。建九旒。六白虎  
載靈輿。蚩尤並轂。蒙公先驅。立厯天之旗。曳捎  
星之旒。霹靂烈缺。吐火施鞭。萃從沆溶。淋離廓



落戲八鎮而開關。飛廉雲師。吸噉瀟率。鱗羅布  
列。攢以龍翰。啾啾踰踰。入西園。切神光。望平樂。  
徑竹林。蹂蕙圃。踐蘭唐。舉烽烈火。轡者施技。方  
馳千駟。校騎萬帥。虓虎之陳。從橫膠轄。焱拉雷  
厲。驥駢駘。嗑嗑沟沟。旭旭天動。地吸。羨漫半散。蕭  
條數千里外。若夫壯士。忼慨殊鄉。別趣東西南  
北。騁嗜奔欲。地蒼狶。跋犀犛。蹶浮麋。斲巨挺。搏  
玄猿。騰空虛。距連卷。蹕天躋。娛閒閒。莫莫紛紛。  
山谷爲之風。焱林叢爲之生塵。及至獲夷之徒。



蹶松栢。掌蒺藜。獵蒙龍。麟輕飛。屢般首帶脩蛇。  
鈞赤豹。牽象犀。眊鬱阬。超唐陂。車騎雲會。登降  
閭闔。泰華爲旒。熊耳爲綴。木什山還。漫若天外。  
儲與乎大浦。聊浪乎宇內。於是天清日晏。逢蒙  
列背。羿氏控弦。皇車幽輅。光純天地。望舒彌轡。  
翼乎徐。至於上蘭。移圍徙陳。浸淫楚部。曲隊堅  
重。各案行伍。壁壘天旋。神扶電擊。逢之則碎。近  
之則破。鳥不及飛。獸不得過。軍驚師駭。刮野掃  
地。及至罕車飛揚。武騎聿皇。蹈飛豹。縞噪陽。追



天寶出一方。應駢聲擊流光。野盡山窮囊括其  
雌雄。沈沈溶溶。遙喙乎絃中。三軍茫然窮尤闕  
與亶觀夫。剽禽之繼踰。犀兕之抵觸。熊羆之拏  
攫。虎豹之凌遽。徒角槍題注。蹙竦訾怖。魂亡魄  
失。觸輻關脰。妄發期中。進退履獲。創淫輪夷。邱  
累陵聚。於是禽殫中衰。相與集於靖冥之館。以  
臨珍池。灌以岐梁。溢以江河。東瞰目盡。西暢亡  
涯。隨珠和氏。焯爍其陂。玉石簪峯。眩耀青熒。漢  
女水潛。怪物暗冥。不可殫形。玄鸞孔雀。翡翠垂



榮王睢關關鴻鴈嚶嚶群娛乎其中噍噍昆明  
鳬鷺振鷺上下砰磕聲若雷霆乃使文身之伎  
水格鱗蟲凌堅冰犯嚴淵採巖排碕薄索蛟螭  
蹈獐獺據鼃鼃祛靈蠹入洞穴出蒼梧乘鉅鱗  
騎鯨魚浮彭蠡目有虞方椎夜光之流離剖明  
月之胎珠鞭洛水之宓妃餉屈原與彭胥於茲  
乎鴻生鉅儒俄軒冕雜衣裳修唐典匡雅頌揖  
讓於前昭光振耀響忽如神仁聲惠於北狄武  
誼動於南鄰是以旃裘之王胡貉之長移珍來



享抗手稱臣前入圍口。後陳廬山。群公常伯楊  
朱墨翟之徒喟然並稱曰。崇哉乎德。雖有唐虞  
大夏成周之隆。何以侈茲。夫古之覲東嶽。禪梁  
基。舍此世也。其誰與哉。上猶謙讓而未俞也。方  
將上獵三靈之流。下決醴泉之滋。發黃龍之穴。  
窺鳳凰之巢。臨麒麟之囿。幸神雀之林。奢雲夢  
侈孟諸。非章華是靈臺。罕徂離宮。而輟觀遊。士  
事不飾。木功不彫。丞民乎農桑。勸之以弗怠。儕  
男女使莫違。恐貧窮者不徧。被洋溢之饒。開禁



苑散公儲創道德之囿弘仁惠之虞馳弋乎神  
明之囿覽觀乎群臣之有亡放雉免收罝罟麋  
鹿芻蕘與百姓共之蓋所以臻茲也於是醕洪  
鬯之德豐茂世之規加勞三皇勗勤五帝不亦  
至乎乃祇莊雍睦之徒立君臣之節崇賢聖之  
業未遑苑囿之麗遊獵之靡也因迴軫迴衡背  
阿房反未央

長楊賦

明年上將大誇胡人以多禽獸秋命右扶風發



民入南山西自褒斜東至弘農南。毆漢。諸。車。網。罟。罾。捕。熊。羆。豪。豬。虎。豹。獐。獾。狐。兔。麋。鹿。主。之。檻。車。輸。長。楊。射。熊。館。以。網。爲。周。法。縱。禽。獸。今。樂。令。胡。人。手。搏。之。自。取。其。獲。上。親。臨。觀。焉。是。時。農。民。不。得。收。斂。雄。從。至。射。熊。館。還。上。長。楊。賦。聊。因。筆。墨。之。成。文。章。故。藉。翰。林。以。爲。主。人。子。墨。爲。客。卿。以。諷。其。辭。曰。

子墨客卿問於翰林主人曰。蓋聞聖王之養民也。仁。霑。而。恩。洽。動。不。爲。身。今。年。獵。長。楊。先。命。右。



扶風左太華而右褒斜。椽巖薛而爲弋。紆南山以爲冑。羅千乘於林莽。列萬騎於山隅。帥軍蹕陸。錫戎獲胡。搤熊羆。拖豪豬。木擁槍。纍以爲儲。胥此天下之窮覽極觀也。雖然。亦頗擾于農人三旬有餘。其勤至矣。而功不圖。恐不識者外之。則以爲娛樂之遊。內之則不以爲乾豆之事。豈爲民乎哉。且人君以立默爲神。澹泊爲德。今樂遠出以露威靈。數搖動以疲車甲。本非人主之急務。蒙竊惑焉。翰林主人曰。吁。客何謂茲耶。若



客所謂知其一未覩其二見其外不識其內也  
僕嘗倦譚不能一二其詳請畧舉其凡而客自  
覽其切焉客曰唯唯主人曰昔有彊秦封豕其  
土竄竄其民鑿齒之徒相與磨牙而爭之豪傑  
麋沸雲擾群黎爲之不安於是上帝眷顧高祖  
高祖奉命順斗極運天關橫巨海漂崑崙提劍  
而叱之所過麾城擗邑下將降旗一日之戰不  
可殫記當此之勤頭蓬不暇梳飢不及餐鞮鏊  
生蟣蝨介冑被露汗以爲萬姓請命乎皇天迺



展民之所屈，振民之所乏。規億載，恢帝業。七年之間，而天下密如也。逮至聖文，隨風乘流，方垂意於至甯。躬服節儉，綈衣不弊。革鞜不穿，大厦不居。木器無文，於是後宮賤瑋瑁而疏珠璣，卻翡翠之飾，除雕琢之巧。惡麗靡而不近，斥芬芳而不御，抑止絳竹宴衍之樂。憎聞鄭衛幻眇之聲，是以玉衡正而太階平也。其後熏鬻作虐，東夷橫叛，羌戎睚眦，閩越相亂，遐氓爲之不安。中國蒙被其難，於是聖武勃怒，爰整其旅，乃命驃



衛紛紜沸渭。雲合電發。焱騰波流。機駭蠡軼疾。  
如奔星。擊如雷霆。碎輶輻。破穹廬。腦沙漠。髓余  
吾。遂躡乎王庭。毆橐駝。燒煥蠡。分勢單于。磔裂  
屬國夷。阬谷拔鹵莽。刊山石。蹂屍輿。廝係累老  
弱。充鋌瘢耆。金鏃淫夷者。數十萬人。皆稽顙樹  
領。扶服蛾伏。二十餘年矣。尚不敢惕息。夫天兵  
四臨。幽都先加。迴戈邪指。南越相夷。靡節西征。  
羌熨東馳。是以遐方疏俗。殊隣絕黨。域自上  
仁。所不化。茂惠所不綏。莫不躋足抗首。請獻厥



珍使海內澹然永無邊城之災金革之患今朝  
廷純仁遵道顯義并包書林聖風雲靡英華沈  
浮洋溢八區普天所覆莫不沾濡士有不譚王  
道者則樵夫笑之意者以爲事罔隆而不殺物  
靡盛而不虧故平不肆險安不忘危迺時以有  
年出兵整輿竦戎振師五柞習馬長楊簡力狡  
獸校武影禽迺萃然登南山瞰烏弋鹵壓月窟  
東震日域又恐後代迷於一時之事常以此爲  
國家之大務淫荒畋獵陵夷而不禦也是以車



不安輒日未靡旃從者仿佛翫屬而還亦所以  
奉太尊之烈遵文武之度復三王之田反五帝  
之虞使農不輟耰工不下機婚姻以時男女莫  
違出愷悌行簡易矜飭勞休力役見百年存孤  
弱帥與之同苦樂然後陳鐘鼓之懸鳴鞀磬之  
鼙建碣磻之虞戛擊鳴球掉八剡之舞酌允鑠  
肴樂胥聽廟中之雍雍受神人之福祐歌投頌  
吹合雅其勤若此故真神之所勞也方將俟元  
符以禪梁父之基增泰山之高延光於將來比



榮乎往號，豈徒欲淫覽浮觀，馳騁秔稻之地，周  
流梨栗之林，蹂踐芻蕘，誇詡衆庶，盛狃獲之收，  
多麋鹿之獲哉！且盲者不見咫尺，而離婁燭千  
里之隅，客徒愛胡人之獲，我禽獸曾不知我亦  
已獲其王侯言，未卒墨客降席，再拜稽首曰：大  
哉體乎允，非小人之所能及也。乃今日發矇，廓  
然已昭矣。

河東賦

伊季暮春，將瘞后土，禮靈祇，謁汾陰於東郊，因



茲以勤崇垂鴻、發祥隕祉、欽若神明者盛哉、鑠  
乎越不可載已、於是命群臣、齊法服、整靈輿、迺  
撫翠鳳之駕、六先景之乘、掉犇星之流旃、矍天  
狼之威弧、張耀日之玄旄、揚左纛、被雲梢、奮電  
鞭、驂雷輜、鳴洪鐘、建五旗、羲和司日、顏倫奉輿  
風發飈拂、神騰鬼趯、千乘霆亂、萬騎屈橋、嘻嘻  
旭旭、天地稠敷、簸邱跳巒、涌渭躍涇、秦神下龔  
跼魂負沚、河靈矍踢、瓜華蹈衰、遂臻陰宮、穆穆  
肅肅、蹲蹲如也、靈祇既鄉、五位時敘、綢繆玄黃



將紹厥後於是靈輿安步周流容與以覽庠介  
山嗟文公而愍推兮勤大禹於龍門灑沈菑於  
谿瀆兮播九河於東瀕登六觀而遙望兮聊遊  
浮以經營樂往昔之遺風兮喜虞氏之所哂瞰  
帝唐之嵩高兮脈隆周之大甯汨低回而不能  
去兮行睨垓下與彭城濺南巢之坎坷兮是幽  
岐之夷平乘翠龍而超河兮陟西岳之嶢嶠雲  
龍翼翼而來迎兮澤滲漓而下降鬱蕭條其幽  
謁兮滌汎沛以豐隆叱風伯於南北兮呵雨師



於西東參天地而獨立兮廓盪盪其亡雙遵逝  
乎歸來以函夏之大漢兮彼何足與比功建乾  
坤之貞兆兮將悉總之以群龍麗鉤芒與驂蓐  
收兮服玄冥及祝融敦衆神使式道兮奮六經  
以攄頌踰於穆之緝熙兮過清廟之雝雝軼五  
帝之遐迹兮躡三皇之高蹤旣發軔於平盈兮  
誰謂路遠而不能從



楊仁良集

卷全



上書

諫不受單于朝書

臣聞六經之治。貴於未亂。兵家之勝。貴於未戰。二者皆微。然而大事之本。不可不察也。今單于上書求朝。國家不許而辭之。臣愚以爲漢與匈奴從此隙矣。夫北地之狄。五帝所不能臣。三王所不能制。其不可使隙甚明。臣不敢遠稱。請引秦以來明之。以秦始皇之彊。蒙恬之威。帶甲四十餘萬。然不敢窺西河。迺築長城以界之。會漢

初興以高祖之威靈三十萬衆困於平城士或  
七日不食時奇謫之士石畫之臣甚衆卒其所  
以脫者世莫得而言也又高皇后嘗忿匈奴群  
臣庭議樊噲請以十萬衆橫行匈奴中季布曰  
噲可斬也妄阿順旨於是大臣權書遺之然後  
匈奴之結解中國之憂平及孝文時匈奴侵暴  
北邊候騎至雍甘泉京師大駭發三將軍屯細  
柳棘門霸上以備之數月乃罷孝武卽位設馬  
邑之權以誘匈奴使韓安國將三十萬衆邀於



便墜。匈奴覺之而去。徒費財勞師。一虜不可得見。况單于之面乎。其後深惟社稷之計。規恢萬載之策。迺大興師數十萬。使衛青霍去病操兵前後十餘年。於是浮西河。絕大幕。破寘顏襲王庭。窮極其地。追奔逐北。封狼居胥山。禪於姑衍。以臨瀚海。虜名王貴人以百數。自是之後。匈奴震怖。益求和親。然而未肯稱臣也。且夫前世豈樂傾無量之費。役無罪之人。快心於狼望之北哉。以爲不壹勞者不久。佚不暫廢者不永甯是

以忍百萬之師。以推餓虎之喙。運府庫之財。填廬山之壑。而不悔也。至本始之初。匈奴有桀心。欲掠烏孫。侵公主。迺發五將之師。十五萬騎。獵其南。而長羅侯以烏孫五萬騎震其西。皆至質而還。時鮮有所獲。徒奮揚威武。明漢兵若風雷耳。雖空行空反。尚誅兩將軍。故北狄不服。中國未得高枕安寢也。逮至元康神爵之間。大化神明。鴻恩溥洽。而匈奴內亂。五單于爭立。日逐呼韓邪攜國歸死。扶伏稱臣。然尚羈縻之。計不顯。



制自此之後。欲朝者不距。不欲者不彊。何者。外國天性忿驚。形容魁健。負力怙氣。難化以善。易隸以惡。其彊難誦。其和難得。故未服之時。勞師遠攻。傾國殫貨。伏尸流血。破堅拔敵。如彼之難也。既服之後。慰薦撫循。交接賂遺。威儀俯仰。如此之備也。往時嘗屠大宛之城。蹈烏桓之壘。探姑繒之壁。籍蕩姐之場。艾朝鮮之旃。拔兩越之旗。近不過旬月之役。遠不離二時之勞。固已犁其庭。掃其閭。郡縣而置之。雲徹席卷。後無餘蓄。

惟北狄爲不然。真中國之堅敵也。三垂比之懸矣。前世重之茲甚。未易可輕也。今單于歸義懷欵誠之心。欲離其庭。陳見於前。此迺上世之遺策。神靈之所想望。國家雖費不得已者也。柰何距以來厭之辭。疏以無日之期。消往昔之恩。開將來之隙。夫欵而隙之。使有恨心。負前言。緣往辭。歸怨於漢。因以自絕。終無北面之心。威之不可。諭之不能。焉得不爲大憂乎。夫明者視於無形。聰者聽於無聲。誠先於未然。即蒙恬樊噲不



復施棘門細柳不復備馬邑之策安所設。衛霍之功何得用。五將之威安所震。不然。豈有隙之後。雖智者勞心於內。辯者轂擊於外。猶不若未然之時也。且往者圖西域。制車師。置城都護。三十六國。費歲以大萬計者。豈爲康居烏孫。能踰白龍堆而寇西邊哉。適以制匈奴也。夫百年勞之。一日失之。費十而愛一。臣竊爲國不安也。惟陛下少留意於未亂。未戰。以遏邊萌之禍。

楊侍郎集

卷全



書

答劉歆書

雄叩頭賜命謹至。又告以田儀事。事窮竟。白案  
顯出。甚厚。甚厚。田儀與雄同鄉里。幼稚爲鄰。長  
艾相更。視覲動精采。似不爲非者。故舉至之。雄  
之任也。不意淫迹汙暴于官朝。今舉者懷赧而  
低眉。任者含聲而宛舌。知人之德。堯猶病諸。雄  
何慙焉。叩頭叩頭。又敕以殊言十五卷。君何由  
知之。謹歸誠底裏。不敢違信。雄少不師章句。亦

于五經之訓所不解。嘗聞先代輜軒之使。奏籍之書。皆藏於周秦之室。及其破也。遺棄無見之者。獨蜀人有莊君平。臨邛林閭翁孺者。深好訓詁。猶見輜軒之使。所奏言翁孺與雄外家牽連之親。又君平過誤。有以私遇少而與雄也。君平財有千言耳。翁孺梗概之法畧有。翁孺往數歲死。歸蜀郡掌氏子。無子而去。而雄始能草文。先作縣邸銘。王伾頌。階闥銘。及成都城四隅銘。蜀人有楊莊者。爲郎誦之于成帝。成帝好之。以爲



似相如。雄遂以此得外見。此數者皆都水君常見也。故不復奏。雄爲郎之歲。自奏少不得學而心好沈博絕麗之文。願不受三歲之奉。且休脫直事之繇。得肆心廣意。以自克就。有詔可不奪奉。令尚書賜筆墨錢六萬。得觀書于石渠。如是後一歲。作繡補靈節龍骨之銘詩三章。成帝好之。遂得盡意。故天下上計孝廉及內郡衛卒。會者雄常把三寸弱翰。齋油素四尺。以問其異語。歸卽以鉛摘次之于槩。二十七歲于今矣。而語

言或交錯相反。方覆論思詳悉集之。燕其疑。張  
伯松不好雄賦頌之文。然亦有以奇之。常爲雄  
道言其父。及其先君憲典訓屬。雄以此篇目類  
示之。伯松曰。是縣諸日月不刊之書也。又言雄  
爲太玄經。由鼠坻之與牛場也。如其用。則實五  
稼飽邦民。否則爲牴糞棄之于道矣。而雄般之  
伯松與雄獨何德慧。而君與雄獨何譖隙。而當  
匿乎哉。其不勞戎馬高車。令人君坐幃幕之中。  
知絕遐異俗之語。典流于昆嗣。言列于漢籍。誠



雄心所絕極至情之所想邁也扶聖朝遠照之  
明使君求此如君之意誠雄散之之會也死之  
日則今之榮也不敢有貳不敢有愛少而不以  
行立于鄉里長而不以功顯于縣官著訓于帝  
籍但言詞博覽翰墨爲事誠欲崇而就之不可  
以遺不可以怠即君必欲脅之以威陵之以武  
欲令入之于此此又未定未可以見今君又終  
之則縊死以從命也而可且寬假延期必不敢  
有愛雄之所爲得使君輔貢于明朝則雄無恨

何敢有匿惟執事圖之長監于規繡之就死以爲小雄敢行之謹因還使雄叩頭叩頭

答桓譚書

長卿賦不似從人間來其神化所至耶大諦能讀千賦則能爲之諺云伏習衆神巧者不過習者之門。

與桓譚書

望風景附聲訓自結



設難

解嘲

客嘲揚子曰：吾聞上世之士，人綱人紀，不生則已，生則上尊人君，下榮父母，析人之圭，儋人之爵，懷人之符，分人之祿，紆青拖紫，朱丹其轂，今子幸得遭明盛之世，處不諱之朝，與群賢同行，厯金門，上玉堂，有日矣，曾不能畫一奇，出一策，上說人主，下談公卿，目如耀星，舌如電光，壹從壹衡，論者莫當，顧默而作太玄五千文，枝葉扶

疎獨說十餘萬言，深者入黃泉，高者出蒼天，大者含元氣，纖者入無倫，然而位不過侍郎，擢纔給事黃門，意者玄得毋尚白乎？何爲官之拓落也？揚子笑而應之曰：客徒欲朱丹吾轂，不知一跌將赤吾之族也。往者周網解結，群鹿爭逸，離爲十二，合爲六七，四分五剖，竝爲戰國，士無常君，國亡定臣，得士者富，失士者貧，矯翼厲翮，恣意所存，故士或自盛以橐，或鑿坏以遁，是故鄒衍以頡亢而取世資，孟軻雖連蹇，猶爲萬乘師。



今大漢左東海右渠搜前番禺後陶塗東南一尉西北一侯徽以糾墨製以鑽鈇散以禮樂風以詩書曠以歲月結以倚廬天下之士雷動雲合魚鱗雜襲咸營于八區家家自以爲稷契人人自以爲咎繇戴縑垂纓而談者皆擬於阿衡五尺童子羞比晏嬰與夷吾當塗者入青雲失路者委溝渠旦握權則爲卿相夕失勢則爲匹夫譬若江湖之崖渤澥之島乘鴈集不爲之多雙鳬飛不爲之少昔三仁去而殷墟二老歸而



周熾子胥死而吳亡。種蠡存而粵伯。五穀入而秦喜。樂毅出而燕懼。范雎以折摺而危穰侯。蔡澤以噤吟而咲唐舉。故當其有事也。非蕭曹子房。平勃樊霍。則不能安。當其亡事也。章句之徒。相與坐而守之。亦亡所患。故世亂則聖哲馳驚。而不足。世治則庸夫高枕而有餘。夫上世之士。或解縛而相。或釋褐而傳。或倚夷門而咲。或橫江潭而漁。或七十說而不遇。或立談間而封侯。或枉千乘於陋巷。或擁帚簞而先驅。是以士類。



得信其舌而奮其筆。窒隙蹈瑕而無所詘也。當  
今縣令不請士。郡守不迎師。群卿不揖客。將相  
不俛眉。言奇者見疑。行殊者得辟。是以欲談者  
卷舌而固聲。欲行者擬足而投迹。嚮使上世之  
士處。虐。今世策。非甲科。行。非孝廉。舉。非方正。獨  
可抗疏時道。是非高得待詔下。觸聞罷。又安得  
青紫。且吾聞之。炎炎者滅。隆隆者絕。觀雷觀火  
爲盈爲實。天收其聲。地藏其熱。高明之家。鬼瞰  
其室。攫挈者亡。默默者存。位極者宗危。自守者



身全。是故知立知默守道之極。爰清爰靜游神  
之廷。惟寂惟冥守德之宅。世異事變人道不殊。  
彼我易時。未知何如。今子迺以鴟鴞而咲鳳凰。  
執蠃蜓而嘲龜龍。不亦病乎。子徒咲我立之尚  
白。吾亦咲子之病。甚不遭俞跗與扁鵲也。悲夫。  
客曰。然則靡立無所成名乎。范蔡以下何必立  
哉。揚子曰。范睢魏之亡命也。折脅拉髀。免於徽  
索。翕肩蹈背。扶服入橐。激印萬乘之主。界涇陽  
抵穰侯而代之。當也。蔡澤山東之匹夫也。顙頤



折頸涕洟流沫。西揖彊秦之相。搯其咽而亢其氣。拊其背而奪其位。時也。天下已定。金革已平。都於雒陽。婁敬委輅脫輓。掉三寸之舌。建不拔之策。舉中國徙之長安。適也。五帝垂典。三王傳禮。百世不易。叔孫通起於枹鼓之間。解里投戈。遂作君臣之儀。得也。甫刑靡敝。秦法酷烈。聖漢權制。而蕭何造律。宜也。故有造蕭何律於唐虞之世。則諄矣。有作叔孫通儀於夏殷之時。則惑矣。有建婁敬之策於成周之世。則繆矣。有談范

蔡之說於金張許史之間則狂矣夫蕭規曹隨  
留侯畫策陳平出奇功若泰山響若坻隤唯其  
人之贍知哉亦會其時之可爲也故爲可爲於  
可爲之時則從爲不可爲於不可爲之時則凶  
夫藺先生收功於章臺四皓采榮於南山公孫  
創業於金馬驃騎發迹於祈連司馬長卿竊訾  
於卓氏東方朔割名於細君僕誠不能與此數  
子者竝故默然獨守吾太玄



客難揚子曰凡著書者爲衆人之所好也美味  
期乎合口工聲調於比耳今吾子迺抗辭幽說  
閔意眇指獨馳騁於有亡之際而陶冶大鑪旁  
薄群生厯覽者茲年矣而殊不寤亶費精神於  
此而煩學者於彼譬畫者畫於無形弦者放於  
無聲殆不可乎揚子曰俞若夫閔言崇議幽微  
之塗蓋難與覽者同也昔人有觀象於天視度  
於地察法於人者天麗且彌地普而深昔人之  
辭迺玉迺金彼豈好爲艱難哉執不得已也獨

不見夫翠蚪絳螭之將登虛天、必聳身於蒼鷹  
之淵、不階浮雲、翼疾風、虛舉而上升、則不能櫟  
膠葛、騰九閼、日月之經、不千里、則不能燭六合  
耀八紘、泰山之高、不嶠嶢、則不能淖瀚雲而散  
歆烝、是以宓犧氏之作易也、綿絡天地、經以八  
卦、文王附六爻、孔子錯其象而彖其辭、然後發  
天地之藏、定萬物之基、典謨之篇、雅頌之聲、不  
溫純深潤、則不足以揚鴻烈而章緝熙、蓋胥靡  
爲宰、寂寞爲尸、大味必淡、大音必希、大語呬呬、



大道低回。是以聲之眇者。不可同於衆人之耳。  
形之美者。不可混於世俗之目。辭之衍者。不可  
齊於庸人之聽。今夫絃者。高張急徽。追趨逐者。  
則坐者不期而附矣。試爲之。施咸池。榆六莖。發  
簫韶。詠九成。則莫有和也。是故鍾期死。伯牙絕  
絃。破琴而不肯與衆鼓。優人亡。則匠石輟斤。而  
不敢妄斲。師曠之調鐘。埃知音者之在後也。孔  
子作春秋。幾君子之前睹也。老聃有遺言。貴知  
我者希。此非其操與。

楊傳良集

卷全

三



頌

趙充國頌

成帝時西羌有警上思將帥之臣追美充國乃召黃門郎楊雄即充國圖畫而頌之

明靈惟宣戎有先零先零猖狂侵漢西疆漢命虎臣惟後將軍整我六師是討是震旣臨其域諭以威德有守矜功謂之弗克請奮其旅于罕之羌天子命我從之鮮陽營平守節屢奏封章料敵制勝威謀靡亢遂克西戎還師于京鬼方

頌

楊侍郎集

卷全

三

賓服罔有不庭昔周之宣有方有虎詩人歌功  
乃列于雅在漢中興充國作武赳赳桓桓亦紹  
厥後



箴

冀州牧箴

洋洋冀州。鴻原大陸。岳陽是都。島夷皮服。潏潏  
河流。夾以碣石。三后攸降。列爲侯伯。降周之末。  
趙魏是宅。冀土糜沸。炫沔如湯。更盛更衰。載從  
載橫。陪臣擅命。天王是替。趙魏相反。秦拾其弊。  
北築長城。恢夏之場。漢興定制。改封藩王。仰覽  
前世。厥力孔多。初安如山。後崩如崖。故治不忘  
亂。安不遺危。周室自怙。云焉有予。隳六國。奮矯

果絕其維。牧臣司冀。敢告在階。

交州牧箴

悠悠濟河。死州之寓。九河既導。雷夏攸處。草繇  
木條。漆絲絺紵。濟漯既通。降邱宅土。成湯五徙。  
卒都于亳。盤庚北渡。牧野是宅。丁威雖雉。祖已  
伊忠。爰正厥事。遂緒高宗。厥後陵遲。顛覆湯緒。  
西伯戡黎。祖伊奔走。致天威命。不恐不震。婦言  
是用。牝鷄是晨。三仁既知。武果戎殷。牧野之禽。  
豈復能耽。甲子之朝。豈能復笑。有國雖久。必畏。



天咎有民。雖長必懼人。殃箕子。歔歔厥居爲墟。  
牧臣司寇。敢告執書。

青州牧箴

茫茫青州。海岱是極。鹽鐵之地。鉛松怪石。群水  
攸歸。萊夷作牧。貢篚以時。莫怠莫違。昔在文武。  
封呂於齊。厥土塗泥。在邱之營。五侯九伯。是討  
是征。馬殆其銜。御失其度。周室荒亂。小白以霸。  
諸侯僉服。復尊京師。小白旣沒。周卒陵遲。嗟茲  
天王。附命下土。失其法度。喪其文武。牧臣司青。

敢告執矩。

徐州牧箴

海岱伊淮。東海是渚。徐州之士。邑于蕃宇。大野  
既瀦。有羽有蒙。孤桐蠙珠。泗沂攸同。實列蕃蔽。  
侯衛東方。民好農蠶。大野以康。帝癸及辛。不祇  
不恪。沈湎于酒。而忘其東作。天命湯武。勦絕其  
緒。祇降周任。姜鎮于瑯琊。姜姓絕苗。田氏攸都。  
事由細微。不慮不圖。禍如邱山。本在萌芽。牧臣  
司徐。敢告僕夫。



揚州牧箴

矯矯揚州。江漢之滸。彭蠡既濬。陽鳥攸處。橘柚  
羽貝。瑤琨篠簜。閩越北垠。沅湘攸往。獷矣淮夷。  
蠢蠢荆蠻。翩彼昭王。南征不旋。人咸躋於垤。莫  
躋於山。咸跌於污。莫跌於川。明哲不云。我昭童  
蒙。不云。我昏湯武。聖而師伊呂。桀紂悖而誅逢  
干。蓋邇不可不察。遠不可不親。靡有孝而逆父。  
罔有義而忘君。太伯遜位。基吳紹類。夫差一誤。  
太伯無祚。周室不匡。勾踐入霸。當周之隆。越裳

重譖春秋之末。侯甸叛逆。元首不可不思股肱。不可不孳。堯崇屢省。舜盛欽謀。牧臣司揚。敢告執籌。

### 荊州牧箴

沓沓巫山。在荊之陽。江漢朝宗。其流湯湯。夏君遭鴻。荆衡是調。雲夢塗泥。包匭菁茅。金石砥礪。象齒元龜。貢篚百物。世世以饒。戰戰慄慄。至桀荒溢。曰我在帝位。若天有日。不順庶國。孰敢余奪。亦有成湯。果秉其鉞。放之南巢。號之以桀。南



巢茫茫包楚與荆風慄以悍氣銳以剛有道後  
服無道先強世雖安平無敢逸豫牧臣司荆敢  
告執御。

豫州牧箴

郁郁荆河伊雒是經榮播泉漆惟用攸成田田  
相拏廬廬相距夏殷不都成周攸處豫野所居  
爰在鵲墟四隩咸宅寓內莫如陪臣執命不慮  
不圖王室陵遲喪其爪牙靡哲靡聖捐失其正  
方伯不維韓卒擅命文武孔純至厲作昏成康

孔。甯。至。幽。作。傾。故。有。天。下。者。毋。曰。我。大。莫。或。余。  
敗。毋。曰。我。强。靡。克。余。亡。夏。宅。九。州。至。於。季。世。放。  
于。南。巢。成。康。太。平。降。及。周。微。帶。蔽。屏。營。屏。營。不。  
起。施。于。孫。子。至。赧。爲。極。實。絕。周。祀。牧。臣。司。豫。敢。  
告。柱。史。

益州牧箴

巖巖岷山。古曰梁州。華陽西極。黑水南流。茫茫  
洪波。鯀堙降陸。于時八都。厥民不隩。禹導江沱。  
岷嶓啓乾。遠近底貢。磬錯罍丹。絲麻條腸。有梗。



有稻。自京徂畛。民攸溫飽。帝有桀紂。泗沈頗僻。遏絕苗民。滅夏殷績。爰周受命。復古之常。幽厲夷業。破絕爲荒。秦作無道。三方潰叛。義兵征暴。遂國于漢。拓開疆宇。恢梁之野。列爲十二。光羨虞夏。牧臣司梁。是職是圖。經營盛衰。敢告士夫。

### 雍州牧箴

黑水西河。橫截崑崙。邪指閭闔。畫爲雍垠。上侵積石。下礙龍門。自彼氐羌。莫敢不來。庭莫敢不來。匡每在季主。常失厥緒。侯紀不貢。荒侵其寓。

陵遲衰微。秦據以戾。興兵山東。六國顛沛。上帝  
不甯。命漢作京。隴山以徂。列爲西荒。南排勁越。  
北啓彊胡。并連屬國。一護攸都。蓋安不忘危。盛  
不諱衰。牧臣司雍。敢告贅衣。

幽州牧箴

蕩蕩平川。惟冀之別。北阨幽都。戎夏交偏。伊昔  
唐虞。實爲平陸。周末荐臻。追于獯鬻。晉溺其陪。  
周使不阻。六國擅權。燕趙本都。東限穢貊。羨及  
東胡。彊秦北排。蒙公城疆。大漢初定。介狄之荒。



元戎屢征如風之騰。義兵沙漠偃我邊萌。既定  
且康。復古虞唐。盛不可不圖。衰不可或忘。隄潰  
蟻穴。器漏箴芒。牧臣司幽。敢告侍傍。

并州牧箴

雍別朔方。河水悠悠。北辟獯鬻。南界涇流。晝茲  
朔土。正直幽方。自昔何爲。莫敢不來。貢莫敢不  
來。王周穆遐征。犬戎不享。爰貊伊德。侵玩上國。  
宣王命將。攘之涇北。宗周罔職。日用爽蹉。旣不  
俎豆。又不于戈。犬戎作亂。斃于驪阿。太上曜德

其次曜兵。德兵俱顛靡。不悴荒。牧臣司并。敢告  
執綱。

### 交州牧箴

交州荒裔。水與天際。越裳是南。荒國之外。爰是  
開闢。不羈不絆。周公攝祚。白雉是獻。昭王陵遲。  
周室是亂。越裳絕貢。荆楚逆叛。四國內侵。蠶食  
周宗。臻于季服。遂入滅亡。大漢受命。中國兼該。  
南海之宇。聖武是恢。稍稍受羈。遂臻黃支。杭海  
三萬。來牽其尾。盛不可不憂。隆不可不懼。顧瞻



陵遲而忘其規摹。亡國多逸豫。而存國多難。泉  
竭中虛。池竭瀕乾。牧臣司交。敢告執憲。

光祿勲箴

經兆宮室。畫爲中外。廊殿門闥。限以禁界。國有  
周衛。民有藩籬。各有攸保。守以不岐。昔在夏殷。  
桀紂淫湎。特牛之飲。門戶荒亂。郎雖執戟。謁者  
參差。殿中成市。或鼓或鞀。忘其廊廟。而聚夫道。  
逃四方多罪。載號載呶。內不可不省。外不可不  
清。德人立朝。議士充庭。祿臣司光。敢告執經。

衛尉箴

茫茫上天。崇高其居。設置山險。畫爲防禦。重垠累垓。以難不律。闕爲城衛。以待暴卒。國有以固。民有以內。各保其守。永修不敗。維昔庶僚。官得其人。荷戈而歌。中外以堅。齊桓怵惕。宿衛不飭。門非其人。戶廢其職。曹子標劍。遂成其詐。軻挾匕首。而衛人不寤。二世妄宿。敗於望夷。閭樂矯搜戟者。不誰尉臣司衛。敢告執維。

太僕箴



肅肅太僕。車馬是供。鏘鏘和鸞。駕彼時龍。昔在  
上帝。巡狩四宅。王用三驅。前禽是射。紂作不令。  
武王征殷。檀車孔夏。四齔孔听。僕夫執儻。載駢  
載駟。我輿云安。我馬惟閑。雖馳雖驅。匪逸匪愆。  
昔有淫羿。馳騁忘歸。景公千駟。而淫于齊。詩好  
牡馬。牧於坰野。輦車就牧。而詩人興魯。廐焚問  
人。仲尼厚醜。孟子蓋惡。夫廐多肥馬。而野有餓  
殍。僕臣司駕。敢告執皂。

廷尉箴

天降五刑。惟夏之績。亂茲平民。不回不辟。昔在  
蚩尤。爰作淫刑。延于苗民。夏氏不甯。穆王耄荒。  
甫侯伊謀。五刑訓天。周以阜基。厥後陵遲。上帝  
不觚。周輕其制。秦繁其辜。五刑紛紛。靡遏靡止。  
寇賊滿山。刑者半道。昔唐虞象刑。天民是全。紂  
作炮烙。墜民于淵。故有國者。無云何謂。是別是  
剗。無云何害。是剗是剖。惟虐惟殺。人莫予柰。殷  
以刑顛。秦以酷敗。獄臣司理。敢告執謁。

大鴻臚箴



蕩蕩唐虞。經通垓極。陶陶百王。天工人力。盡爲  
上下。羅條百職。人有材能。察有級差。遷能授官。  
各有攸宜。主以不廢。官以不隳。昔在三代。二季  
不蠲。穢德慢道。署非其人。人失其材。職反其官。  
案察荒耄。國政如漫。文不可武。武不可文。大小  
上下。不可奪倫。鴻臣司爵。敢告在隣。

宗正箴

巍巍帝堯。欽親九族。經哲宗伯。禮有攸訓。屬有  
攸籍。各有育子。世以不錯。昔在夏時。太康不恭。

有仍二女。五子家降。晉獻悖統。宋宣亂序。齊桓  
不脩而忘其宗緒。周譏戎女。魯喜子同。高作秦  
宗。而扶蘇被凶。宗廟荒墟。魂靈靡附。伯臣司宗。  
敢告執主。

大司農箴

時惟大農。爰司金穀。自京徂荒。粒民是斛。肇自  
厥初。實施惟食。厥僚后稷。有無遷易。實均實贏。  
惟都作程。旁求衣食。厥民攸主。上稽二帝。下閱  
三王。什一而征。爲民作常。遠近貢篚。百姓不忘。



帝王之盛。咸在農殖。季周爛漫而東作不勅。膏  
腴不穫。庶物竝荒。府藏單虛。靡積靡倉。陵遲衰  
微。姬卒以痒。秦收太半。二世不瘳。泣血之末。海  
內無聊。農民司均。敢告執繇。

### 少府箴

實實少府奉養是供。紀經九品。臣子攸同。海內  
幣帑。祁祁如雲。家有孝子。官有忠臣。共僚率舊。  
聖則越遵。民以不擾。國以不煩。昔在帝季。癸辛  
之世。酒池糟隄。而象箸以噬。至於耽樂流湎。而

姐妹作祟。共察不御。不恢夏殷。喪其國康。而卒以陵遲。嗜不可不察。欲不可不圖。未嘗失之於約。嘗失之於奢。府臣司共。敢告執觚。

執金吾箴

溫溫唐虞。重襲純孰。經表九德。張設武官。以御寢賊。如虎有牙。如鷹有爪。國以自固。獸以自保。牙爪蕙蕙。動作宜時。用之不理。實反生災。秦政暴戾。播其威虐。亡其仁義。而思其殘酷。猛不可重任。威不可獨行。堯咨虞舜。惟思是尚。吾臣司



金敢告執璜。

將作大匠箴

侃侃將作。經構宮室。墻以禦風。宇以蔽日。寒暑  
攸除。鳥鼠攸去。王有宮殿。民有宅居。昔在帝世。  
茅茨土階。夏卑宮觀。在彼溝洫。桀作瑤臺。紂爲  
璇室。人力不堪。而帝業不卒。詩詠宣王。由儉改  
奢。觀豐上六。大屋小家。春秋譏刺。書彼泉臺。兩  
觀雉門。而魯以不恢。或作長府。而閔子不仁。秦  
築驪阿。嬴姓以顛。故人君無云我貴。棖題是遂。

母云我富淫作極游在彼墻屋而忘其國戮作  
臣司匠敢告執猷。

城門校尉箴

幽幽山川徑塞九路盤石唐芒襲險重固國有  
城溝家有柝柎各有攸堅民以不虞德懷其內  
險難其外王公設險而承以盤蓋昔在上世有  
殷有夏癸辛不德而設夫險阻湯武爰征而莫  
遏莫禦作君之危不可德少而城溝伊保不可  
德希而城溝是依唐虞長德而四海永懷秦灰



長城而天下畔乖。尉臣司城。終寡得階。

上林苑令箴

茫茫大田。芄芄作穀。山有陁陸。野有林麓。夷原  
汚藪。禽獸攸伏。魚鼈以時。芻蕘咸殖。國以殷富。  
民以家給。昔在帝舜。共田徑游。弧矢是尚。而射  
夫封豬。不顧於愆。卒遇後憂。是以田獲三驅。不  
可過差。麋鹿攸伏。不如德至。衡臣司虞。敢告執  
指。

司空箴

普彼坤靈。侔天作則。分制五服。劃爲萬國。乃立  
地官。空惟是職。茫茫九州。都鄙盈區。綱以群牧。  
綴以方侯。烈烈雋乂。翼翼王臣。臣當其官。官宜  
其人。九一之政。七賦以均。昔在季葉。班祿遺賢。  
培克充朝。而象恭滔天。匪人斯力。匪政斯勅。流  
貨市寵。而苞苴是鬻。王路斯浮。孰不傾覆。空臣  
司土。敢告在側。

太常箴

翼翼太常。實爲宗伯。穆穆靈祇。寢廟奕奕。稱秩



元祀。班于群神。我祀既祇。我粢孔蠲。匪愆匪忒。  
公尸攸宜。弗祈弗求。惟德之報。不矯不誣。庶無  
罪悔。昔在成湯。葛爲不弔。棄禮慢祖。夔子不祀。  
楚師是虜。魯人躋僂。臧文不悟。文隳太室。桓納  
郃賂。災降二宮。用誥不祧。故聖人在位。無曰我  
貴。慢行繁祭。無曰我材。輕身恃巫。東鄰之犧牛。  
不如西鄰麥魚。秦殞望夷。隱斃鍾巫。常臣司宗。  
敢告執書。

尚書箴

易詩

卷全

箴

四

皇皇聖哲。允勅百工。命作齋慄。龍爲納言。是機  
是密。出入朕命。王之喉舌。獻善宣美。而讒說是  
折。我視云明。我聽云聰。載夙載夜。惟允惟恭。故  
君子在室。出言如風。動於民人。渙其大號。而萬  
國平信。春秋譏漏言。易稱不密則失臣。先吉其  
和。巽吝其頻。書稱其明。申申厥鄰。昔秦尚權詐。  
官非其人。符璽竊發。而扶蘇隕身。一奸愆命。七  
廟爲墟。威福同門。牀上維辜。書臣司命。敢告侍  
隅。



# 博士箴

洋洋三代。典禮是修。畫爲辟雍。國有學校。侯有  
泮宮。各有攸教。德用不陵。昔在文王。經啓其軌。  
勗于德音。而思皇多士。多士作楨。惟周以甯。國  
人興讓。虞芮質成。公劉挹行。潦而濁亂。斯清官  
操其業。士執其經。昔聖人之綏俗。莫美於施化。  
故孔子觀夫大學。而知爲王之易易。大舜南面  
無爲。而衽席平。還師階級之間。三苗以懷。秦作  
無道。斬決天紀。漫彼王迹。而坑夫術士。詩書是

泯。家。言。是。守。俎。豆。不。陳。而。顛。其。社。稷。故。仲。尼。不。  
對。問。陳。而。胡。簋。是。遵。原。伯。非。學。而。閔。子。知。周。之。  
不。振。儒。臣。司。典。敢。告。在。賓。

酒箴

子。猶。餅。矣。觀。餅。之。居。居。井。之。湄。處。高。臨。深。動。常。  
近。危。酒。醪。不。入。口。藏。水。滿。懷。不。得。左。右。牽。於。纏。  
徽。一。旦。車。礙。爲。蹇。所。輾。身。提。黃。泉。骨。肉。爲。泥。自。  
用。如。此。不。如。鴟。夷。鴟。夷。滑。稽。腹。大。如。壺。盡。日。盛。  
酒。人。復。借。酤。常。爲。國。器。託。於。屬。車。出。入。兩。宮。經。



管公家繇是言之酒何過乎

嘉祥縣志

卷八

徵

樂

揚侍郎集

卷全

吳



符命

劇秦美新文 有序

諸吏中散大夫、臣雄稽首再拜上封事。皇帝陛下、臣雄經術淺薄、行能無異、數蒙渥恩、拔擢倫比、與群賢竝、愧無以稱職。臣伏惟陛下以至聖之德、龍興登庸、欽明尚古、作民父母、爲天下主、執粹精之道、鏡照四海、聽聆風俗、博覽廣包、參天貳地、兼竝神明、配五帝冠三王、開闢以來、未之聞也。臣誠樂昭著新德、光之罔極、往時司馬

相如作封禪一篇以彰漢氏之休、臣常有顛眴  
病、恐一旦先犬馬填溝壑、所懷不章、長恨黃泉、  
敢竭肝膽、寫腹心作劇秦美新一篇、雖未究萬  
分之一、亦臣之極思也、臣雄稽首再拜以聞曰、  
權輿天地未祛、睢睢盱盱、或玄而萌、或黃而牙、  
玄黃剖判、上下相嘔、爰初生民、帝王始存、在乎  
混混茫茫之時、豐聞罕漫而不昭、察世莫得而  
云也、厥有云者、上罔顯於羲皇、中莫盛於唐虞、  
靡著於成周、仲尼不遭用春秋、因斯發言、神



明所祚。兆民所託。罔不云。德仁義禮智。獨秦  
崛起西戎。邠荒岐雍之疆。因襄文宣靈之僭跡。  
立基孝公。茂惠文。奮昭莊。至政破縱擅衡。并吞  
六國。遂稱乎始皇。盛從鞅儀韋斯之邪政。馳驚  
起翦恬賁之用兵。剗滅古文。刮語燒書。弛禮崩  
樂。塗民耳目。遂欲流唐漂虞。滌殷蕩周。難除仲  
尼之篇籍。自勒功業。改制度軌量。咸稽之於秦  
紀。是以耆儒碩老。抱其書而遠遜。禮官博士。卷  
其舌而不談。來儀之鳥。肉角之獸。狙獷而不臻。

甘露嘉禮。景曜浸潭之瑞。潛大弗經。賁巨狄鬼。  
信之妖發。神歇靈繹。海水羣飛。二世而亡。何其  
劇與。帝王之道。競競乎不可離已。夫能貞而明  
之者。窮祥瑞。回而昧之者。極妖慝。上覽古在昔。  
有憑應而尚缺焉。壞徹而能全。故若古者稱堯  
舜。威侮者蹈桀紂。况盡汎埽前聖數千載功業。  
專用已之私。而能享祐者哉。會漢祖龍騰豐沛。  
奮迅宛葉。自武關與項羽戮力。咸陽創業。蜀漢  
發跡。三秦克項。山東而帝。天下擣秦政。慘酷尤



煩者應時而蠲，如儒林刑辟，歷紀圖典之用，稍增焉。秦餘制度，項氏爵號，雖違古而猶襲之。是以帝典闕而不補，王綱弛而未張，道極數殫，闇忽不還，逮至大新受命，上帝還資，后土顧懷，玄符靈契，黃瑞涌出，渾渚湧溢，川流海渟，雲動風偃，霧集雨散，誕彌八圻，上陳天庭，震聲日景，炎光飛響，盈塞天淵之間，必有不可辭讓云爾。於是乃奉若天命，窮寵極崇，與天剖神符，地合靈契，創億兆，規萬世，奇偉倜儻，譎詭天祭地事，其

異物殊怪存乎五威將帥班乎天下者四十有  
八章登假皇穹鋪衍下土非新家其疇離之卓  
哉煌煌真天子之表也若夫白鳩丹鳥素魚斷  
虵方斯蔑矣受命甚易格來甚勤昔帝纘皇王  
纘帝隨前踵古或無爲而治或損益而亡豈如  
新室委心積意儲思垂務旁作穆穆明旦不寐  
勤勤懇懇者非秦之爲與夫不勤勤則前人不  
當不懇懇則覺德不愷是以發祕府覽書林遙  
集乎文雅之囿翱翔乎禮樂之場肩殷周之失



業紹唐虞之絕風懿律嘉量金科玉條神卦靈  
兆古文畢發煥炳照耀靡不宣臻式軫軒旂旗  
以示之揚和鸞肆夏以節之施黼黻袞冕以昭  
之正嫁娶送終以尊之親九族淑賢以穆之夫  
改定神祇上儀也欽修百祀咸秩也明堂雍臺  
壯觀也九廟長壽極孝也制成六經洪業也北  
懷單于廣德也若復五爵度三壤經井田免人  
役方甫刑匡馬法恢崇祇庸爍德懿和之風廣  
彼搢紳講習言諫箴誦之塗振鷺之聲充庭鴻

鸞之黨漸階俾前聖之緒布濩流行而不韞韞  
郁郁乎煥哉天人之事盛矣鬼神之望允塞群  
公先正罔不夷儀茲宄寇賊罔不振威紹少典  
之苗著黃虞之裔帝典闕者已補王綱弛者已  
張炳炳麟麟豈不懿哉厥被風濡化者京師沈  
潛甸內帀洽侯衛厲揭要荒濯沐而術前典巡  
四民迄四嶽增封泰山禪梁父斯受命者之典  
業也蓋受命日不暇給或不受命然猶有事矣  
况堂堂有新正丁厥時崇嶽滄海通瀆之神咸



設壇場望受命之臻焉海外遐方信延頸企踵  
回面內嚮喁喁如也帝者雖勤惡可以已乎宜  
命賢哲作帝典一篇舊三爲一襲以示來人摛  
之罔極令萬世常戴巍巍履栗栗臭馨香含甘  
實鏡純粹之至精聆清和之正聲則百工伊凝  
庶績咸熙荷天衢提地釐斯天下之上則已庶  
可試哉

楊侍郎集

卷全

五



連珠

連珠二首

臣聞明君取士貴拔衆之所遺忠臣薦善不廢格之所排是以巖穴無隱而側陋章顯也

臣聞天下有三樂有三憂焉陰陽和調四時不忒年穀豐遂無有夭折災害不生兵戎不作天下之樂也聖明在上祿不遺賢罰不偏罪君子小人各處其位衆臣之樂也吏不苟暴役賦不重財力不傷安土樂業民之樂也亂則反焉故

有三憂



誄

元后誄

新室文母太后崩，天下哀痛，號哭涕泗，思慕功德，咸上詞誄之。銘曰：詞一作柩。

惟我有新室文母聖明皇太后，姓出皇帝，西陵昌意，實生高陽，純德虞帝，孝聞四方，登陟帝位，禪受伊唐，爰初胙土，陳田至王，營相厥宇，渡河濟旁，沙麓之靈，太陰之精，天生聖姿，豫有禪禎，作合于漢，配元生成，孝順皇姑，承家尚莊，內則

純被後烈丕光肇初配元天命是將兆徵顯見  
新都黃龍漢成既終肩嗣匪生哀帝承祚惟離  
典經尚是言異大命俄顛厥年天隕大終不盈  
文母覽之千載不傾博選大智新都宰衡明聖  
作佐與圖國艱以度厄運徵立中山庶其可濟  
博采淑女備其姪娣覲禮高禋祈廟嗣繼靡格  
匪天靡動匪地穆穆明明昭事上帝弘漢祖考  
夙夜匪懈興滅繼絕博立侯王親睦庶族昭穆  
序明帝致友屬靡有遺荒咸被祚慶冀以金火



赤仍有央勉進大聖上下兼該群祥衆瑞正我  
黃來火德將滅惟后于斯天之所壞人不敢支  
哀乎夭折百姓分離祖宗之愆終其不全天命  
有託謫在于前屬遭不造榮極而遷皇天眷命  
黃虞之孫厯世運移屬在聖新代于漢劉受祚  
于天漢祖承命赤傳于黃攝帝受禪立爲真皇  
允受厥中、以安黎衆、漢廟黜廢、移定安公皇皇  
靈祖惟若孔臧降兹珪璧命服有常爲新帝母  
鴻德不忘欽德伊何奉命是行菲薄服食神祇

是崇尊不虛統。惟祇惟庸。隆循人敬。先民是從。  
承天祇家。允恭虔恪。豐阜庶卉。旅力不射。恤民  
于留。不皇詭作。別計十邑。國之是度。還奉于此。  
以處貧薄。罷苑置縣。築里作宅。以處貧窮。哀此  
嫠獨。起常盈倉。五十萬斛。爲諸生儲。以勸好學。  
志在黎元。是勞是勤。春巡灞漭。秋臻黃山。夏撫  
鄠杜。冬卹涇樊。大射饗飮。飛羽之門。綏宥耆幼。  
不拘婦人。刑女歸家。以育貞信。玄冥季冬。搜狩  
上蘭。寅賓出日。東秩暘谷。鳴鳴拂羽。載勝降。桑



蠶于繭館。躬筐執曲。帥導群妾。咸循蠶簇。分繭  
理絲。女工是勅。遐邇蒙祉。中外禔福。自京逮海。  
靡不仰德。成類存生。秉天地經。無物不理。無人  
不甯。尊號文母。與新有成。世奉長壽。靡墮有傾。  
著德太常。注諸蔬旌。嗚呼哀哉。以昭鴻名。享國  
六十。殂落而崩。四海傷懷。擗踊拊心。若喪考妣。  
遏密八音。嗚呼哀哉。萬方不勝。德被海表。彌流  
魂精。去此昭昭。就彼冥冥。忽兮不見。超兮西征。  
旣作下宮。不復故庭。爰緘伊銘。嗚呼哀哉。

揚侍郎集

卷全

五



文

太玄攤

玄攤

音攤張也

玄者、幽攤萬類而不見形者也、資陶

虛無、而生乎規、攔神明而定摹、通同古今以開  
類、攤措陰陽而發氣、一判一合、天地備矣、天日  
回行、剛柔接矣、還復其所、終始定矣、一生一死、  
性命瑩矣、仰以觀乎象、俯以視乎情、察性知命、  
原始見終、三儀同科、厚薄相劑、圜則杌梲、  
吾結切方則嗇吝、噓則流體、銓則疑形、是故闔天

杌音梲

謂之宇。闢宇謂之宙。日月往來，一寒一暑，律則成物，厯則編時，律厯交道，聖人以謀，晝以好之，夜以醜之。一晝一夜，陰陽分索，夜道極陰，晝道極陽。牝牡羣貞，以攤吉凶，則君臣父子夫婦之道辨矣。是故日動而東，天動而西，天日錯行，陰陽更巡，死生相繆，萬物乃纏，故立聘取天下之合而連之者也。

連章林作運

綴之以其類，占之以其

觚，曉天下之曠曠，瑩天下之晦晦者，其唯立乎。夫立晦其位而冥其畛，深其阜而眇其根，攘其



功而幽其所以然也。故立卓然示人遠矣。曠然廓人大矣。淵然引人深矣。渺然絕人眇矣。

渺宋作渺

黃作渺

嘿而該之者立也。暋而散之者人也。稽

其門闢其戶叩其鍵然後乃應。況其否者乎。人之所好而不足者善也。人之所醜而有餘者惡也。君子日彊其所不足而拂其所有餘則立之道幾矣。仰而視之在乎上。俯而窺之在乎下。企而望之在乎前。棄而忘之在乎後。欲違則不能默而得其所者立也。故立者用之至也。見而知

之者智也視而愛之者仁也斷而決之者勇也

兼制而博用者公也能以偶物者通也無所繫

軼者聖也時與不時者命也虛形萬物所道之

謂道也

虛形章丁作虛无形宋林許黃作虛无  
形所道宋作通之謂道也宋許黃

本至陰陽皆有因循無革天下之理得之謂德

也

因循林  
作因緣

理生昆羣兼愛之謂仁也

昆丁宋  
作混

列

敵度宜之謂義也秉道德仁義而施之之謂業

也瑩天功明萬物之謂陽也幽无形深不測之

謂陰也陽知陽而不知陰陰知陰而不知陽知



陰知陽知止知行知晦知明者其唯立乎縣之  
者權也平之者衡也濁者使清陰者使平離乎  
情者必著乎僞離乎僞者必著乎情情僞相盪  
而君子小人之道較然見矣立者以衡量者也  
高者下之卑者舉之饒者取之罄者與之明者  
定之疑者提之規之者思也立之者事也說之  
者辯也成之者信也夫天宙然示人神矣夫地  
侘然示人明矣天地奠位神明通氣有一有三  
有三位各殊輩回行九區終始連屬上下無隅

察龍虎之文。觀鳥龜之理。運諸泰政。繫之泰始。  
極焉。以通璇璣之統。正玉衡之平。圓方之相研。  
剛柔之相干。盛則入衰。窮則更生。有實有虛。流  
止無常。夫天地設。故貴賤序。四時行。故父子繼。  
律厯陳。故君臣理。常變錯。故百事析。質文形。故  
有無明。吉凶見。故善否著。虛實盪。故萬物纏。陽  
不極。則陰不萌。陰不極。則陽不牙。極寒生熱。極  
熱生寒。信道致拙。拙道致信。其動也。日造其所  
無。而好其所新。其靜也。日減其所爲。而捐其所



成故推之以刻參之以晷反覆其序軫轉其道也、以見不見之形、抽不抽之緒、與萬類相連也、其上也縣天下也、淪淵、纖也、入蔑、廣也、包軫、其道旂冥而挹盈、丁宋作押盈存存而亡亡、微微而章、章始始而終終、近玄者玄亦近之、遠玄者玄亦遠之、譬若天蒼蒼然、在於東面南面西面北面、仰而無不在焉、及其俛則不見也、天豈去人哉、人自去也、冬至及夜半以後者、近玄之象也、進而未極、往而未至、虛而未滿、故謂之近玄、夏至

及日中以後者遠玄之象也進極而退往窮而還已滿而損故謂之遠玄日一南而萬物死日一北而萬物生斗一北而萬物虛斗一南而萬物盈日之南也右行而左還斗之南也左行而右還或左或右或死或生神靈合謀天地乃并天神而地靈



難蓋天八事

以通渾天

其一曰日之東行循黃道晝中規牽牛距北極北百一十度東井距北極南七十度并百八十度周三徑一二十八宿周天當五百四十度今三百六十度何也其二曰春秋分之日正出在卯入在西而晝漏五十刻即天蓋轉夜當倍晝今夜亦五十刻何也其三曰日入而星見日出而不見即斗下見日六月不見日六月北斗亦當見六月不見六月今夜常見何也其四曰以

蓋圖視天河起斗而東入狼弧閒曲如輪今視  
天河直如繩何也其五曰周天二十八宿以蓋  
圖視天星見者當少不見者當多今見與不見  
等何一作可出入無一作西冬夏而兩宿十四星當  
見不以日長短故見有多少何也其六曰天至  
高也地至卑也日託天而旋可謂至高矣縱人  
目可奪水與景不可奪也今從高上山以水望  
日日出水不影上行何也其七曰視物近則大  
遠則小今日與北斗近我而小遠我而大何也



其八曰視蓋橈與車輻

一作輅

間近杠轂卽密益

遠益疎今北極爲天杠轂二十八宿爲天橈輻以星度度天南方次地星閒當數倍今交密何也

以是則大南之政  
益顯其明矣  
至若令其  
政之  
士人  
皆能  
大  
顯  
其  
才  
則  
其  
政  
之  
明  
益  
顯  
其  
明  
矣



騷

反離騷

有周氏之蟬嫣兮。或鼻祖於汾隅。靈宗初諫伯  
僑兮。流于末之楊侯。淑周楚之豐烈兮。超旣離  
虜皇波。因江潭而淮記兮。欽弔楚之湘纍。惟天  
軌之不辟兮。何純絜而離紛紛。纍以其渙忍兮。  
暗纍以其繽紛。漢十世之陽朔兮。招搖紀于周  
正。正皇天之清則兮。度后土之方貞。圓纍承彼  
洪族兮。又覽纍之昌辭。帶鉤矩而佩衡兮。履欂

槍以爲綦。素初貯厥麗服兮。何文肆而質難。資  
奴娃之珍髫兮。鬻九戎而索賴。鳳皇翔於蓬階  
兮。豈駕鶯之能捷。騁驂騶以曲韜兮。驢騾連蹇  
而齊足。枳棘之榛榛兮。蜎狄擬而不敢下。靈修  
旣信椒蘭之嗟倭兮。吾纍忽焉而不蚤睹。衿芰  
茹之綠衣兮。破夫容之朱裳。芳酷烈而莫聞兮。  
固不如褰而幽之離房。閨中容競淖約兮。相態  
以麗佳。知眾嬖之嫉妒兮。何必颺纍之蜚眉。懿  
神龍之淵潛。埃慶雲而將舉。亡春風之被離兮。



孰焉知龍之所處。愍吾纍之眾芬兮。颺煜煜之  
芳苓。遭季夏之凝霜兮。慶天顛而喪榮。橫江湘  
以南漘兮。云走乎彼蒼。吾馳江潭之汎溢兮。將  
折衷。虓重華。舒中情之煩或兮。恐重華之不纍  
與。陵陽侯之素波兮。豈吾纍之獨見許。精瓊靡  
與秋菊兮。將以延夫天年。臨汨羅而自隕兮。恐  
日薄於西山。解扶桑之總轡兮。縱令之遂奔馳。  
鸞皇騰而不屬兮。豈獨飛廉與雲師。卷薜芷與  
若蕙兮。臨湘淵而投之棍。申椒與菌桂兮。赴江

湖而漚之。費椒稭以要神兮。又勤索彼瓊茅。違  
靈氛而不從兮。反湛身於江臯。纍旣允夫傳說  
兮。奚不信而遂行。徒恐鸛鵲之將鳴兮。顧先百  
草爲不芳。初纍棄彼處妃兮。更思瑤臺之逸女  
。杼雄鵠以作媒兮。何百離而會不一耦。乘雲蜺  
之旖旎兮。望昆侖以樛流。覽四荒而顧懷兮。奚  
必云女彼高邱。旣亡鸞車之幽藹兮。焉駕八龍  
之委蛇。臨江瀕而掩涕兮。何有九招與九歌。夫  
聖哲之不遭兮。固時命之所有。雖增欷以於邑。



兮。吾恐靈修之不纍。改昔仲尼之去魯兮。嗟嗟  
遲遲而周邁。終回復於舊都兮。何必湘淵與濤  
瀨。溷漁父之鮪歎兮。絜沐浴之振衣。弃由聘之  
所珍兮。蹠彭咸之所遺。

楊信良集卷八  
三



# 自序傳

揚雄字子雲蜀郡成都人也其先出自有周伯  
僑者以支庶初食采於晉之揚因氏焉不知伯  
僑周何別也揚在河汾之間周衰而揚氏或稱  
侯號曰揚侯會晉六卿爭權韓魏趙興而范中  
行知伯弊當是時偪揚侯揚侯逃於楚巫山因  
家焉楚漢之興也揚氏遡江上處巴江州而揚  
季官至廬江太守漢元鼎間避仇復遡江上處  
嶠山之陽曰郛有田一壥有宅一區世世以農

桑爲業。自季至雄五世而傳一子。故雄亡宅。揚  
於蜀。雄少而好學。不爲章句訓詁通而已。博覽  
無所不見。爲人簡易佚蕩。口吃不能劇談。然而  
好深湛之思。清靜亡爲。少耆欲。不汲汲於富貴。  
不戚戚於貧賤。不修廉隅以徼名當世。家產不  
過十金。乏無儋石之儲。晏如也。自有大度。非聖  
哲之書。不好也。非其意。雖富貴不事也。顧嘗好  
辭賦。先是蜀有司馬相如作賦。甚弘麗溫雅。雄  
心壯之。每作賦。常擬之以爲式。又怪屈原文過



相○如○至○不○容○作○離○騷○自○投○江○而○死○悲○其○文○讀○之○  
未○嘗○不○流○涕○也○以○爲○君○子○得○時○則○大○行○不○得○時○  
則○龍○蛇○遇○不○遇○命○也○何○必○湛○身○哉○迺○作○書○往○往○  
摭○離○騷○文○而○反○之○自○嶠○山○投○諸○江○流○以○弔○屈○原○  
名○曰○反○離○騷○又○旁○離○騷○作○重○一○篇○名○曰○廣○騷○又○  
旁○惜○誦○以○下○至○懷○沙○一○卷○名○曰○畔○牢○愁○畔○牢○愁○  
廣○騷○文○多○不○載○獨○載○反○離○騷○孝○成○帝○時○客○有○薦○  
雄○文○似○相○如○者○上○方○郊○祠○甘○泉○泰○時○汾○陰○后○土○  
以○求○繼○嗣○召○雄○侍○詔○承○明○之○庭○正○月○從○上○甘○泉○

還奏甘泉賦以風。甘泉本因秦離宮。旣奢泰而武帝復增通天高光迎風宮。外近則洪厓旁皇儲胥弩法。遠則石關封巒枝鵲露寒。崇黎師得遊觀。屈奇瑰偉。非木摩而不雕。牆塗而不畫。周宣所考。般庚所遷。夏卑宮室。唐虞採椽。三等之制也。且其爲已久矣。非成帝所造。欲諫則非時。欲默則不能已。故遂推而隆之。迺上比於帝室。紫宮若曰。此非人力之所爲。黨鬼神可也。又是時趙昭儀方大幸。每上甘泉。常法從。在屬車間。



豹尾中。故雄聊盛言。車騎之衆。參麗之駕。非所以感動天地。逆釐三神。又言屏玉女。卻處妃。以微戒齊肅之事。賦成奏之天子。異焉。其三月將祭后土。上迺帥郡臣。橫大河。湊汾陰。旣祭。行遊介山。回安邑。顧龍門。覽鹽池。登歷觀。陟西岳。以望八荒。迹殷周之虛。眇然以思唐虞之風。雄以爲臨川羨魚。不如歸而結罔。還上河東賦以勸。十二月羽獵。雄從以爲昔在二帝三王。宮館臺榭。沼池苑囿。林麓藪澤。財足以奉郊廟。御賓客。

文庖厨而已。不奪百姓膏腴穀土桑柘之地。女  
有餘布。男有餘粟。國家殷富。上下交足。故甘露  
零其庭。醴泉流其唐。鳳凰巢其樹。黃龍游其沼。  
麒麟臻其囿。神爵棲其林。昔者禹任益虞。而上  
下和。山木茂成。湯好田而天下用足。文王囿百  
里。民以爲尚小。齊宣王囿四十里。民以爲大。裕  
民之與奪民也。武帝廣開上林。南至宜春鼎胡。  
御宿昆吾。旁南山而西。至長楊五柞。北繞黃山。  
瀕渭而東。周袤數百里。穿昆明池。象滇河。營建



章鳳闕神明馭娑漸臺。泰液象海水。周流方丈。  
瀛州蓬萊。遊觀侈靡窮妙極麗。雖頗割其三垂。  
以贍齊民。然至羽獵田車。戎馬器械。儲峙禁禦。  
所營尚泰。奢麗誇詡。非堯舜成湯文王三驅之  
意也。又恐後世復脩前好。不折中日。泉臺故聊  
因校獵賦。以風明年上將大誇胡人以多禽獸。  
秋命右扶風發民八。南山西自褒斜。東至弘農。  
南、毆、漢、中、張、羅、岡、且、罽、捕、熊、羆、豪、猪、虎、豹、狢、獾、  
狐、菟、麋、鹿、載以檻車。輸長楊射熊館。以罔爲周。

法縱禽獸其中令胡人手搏之自取其獲上親臨觀焉是時農民不得收斂雄從至射熊館還上長楊賦聊因筆墨成文章故藉翰林以爲主人子墨爲客卿以風哀帝時丁傅董賢用事諸附離之者或起家至二千石時雄方草太玄有以自守泊如也或嘲雄以玄尚白而雄解之號曰解嘲雄以爲賦者將以風也必推類而言極麗靡之辭閎侈鉅衍競於使人不能加也旣迺歸之於正然覽者已過矣往時武帝好神仙相



如○上○大○人○賦○欲○以○風○帝○反○縹○縹○有○凌○雲○之○志○繇○  
是○言○之○賦○勸○而○不○止○明○矣○又○頗○似○俳○優○淳○于○髡○  
優○孟○之○徒○非○法○度○所○存○賢○人○君○子○詩○賦○之○正○也○  
於○是○輟○不○復○爲○而○大○潭○思○渾○天○參○摹○而○四○分○之○  
極○於○八○十○一○旁○則○三○摹○九○据○極○之○七○百○二○十○九○  
贊○亦○自○然○之○道○也○故○觀○易○者○見○其○卦○而○名○之○觀○  
玄○者○數○其○畫○而○定○之○玄○首○四○重○者○非○卦○也○數○也○  
其○用○自○天○元○推○一○晝○一○夜○陰○陽○數○度○律○厯○之○紀○  
九○九○大○運○與○天○終○始○故○玄○三○方○九○州○二○十○七○部○

八十一家。二百四十三表。七百二十九贊。分爲  
三卷。曰一二三。與泰初。厯相應。亦有顓頊之厯  
焉。搃之以三策。開之以休咎。緝之以象類。播之  
以人事。文之以五行。擬之以道德仁義禮知。無  
主。無名。要合五經。苟非其事。文不虛生。爲其泰  
曼漶而不可知。故有首衝錯測。攤瑩數文。捫圖  
告十一篇。皆以解剝玄體。離散其文章句。尚不  
存焉。玄文多故。不著觀之者。難知。學之者。難成。  
客有難立大深。衆人之不好也。雄解之號曰解。



難雄見諸子各以其知舛馳。犬氏詆訾聖人。卽  
爲怪迂。析辯詭辭。以撓世事。雖小辯終破大道。  
而惑衆。使溺於所聞。而不自知其非也。及太史  
公記六國。歷楚漢。訖麟止。不與聖人同是非。頗  
謬於經。故人時有問雄者。常用法應之。誤以爲  
十三卷。象論語。號曰法言。法言文多不著。獨著  
其目。

楊侍郎集

卷全

三





傳贊

贊曰雄之自序云

師古曰自序言目之前皆是雄本自叙之文也初雄

年四十餘自蜀來至游京師大司馬車騎將軍  
王音奇其文雅召以爲門下史薦雄待詔歲餘  
奏羽獵賦除爲郎給事黃門與王莽劉歆竝哀  
帝之初又與董賢同官當成哀平間莽賢皆爲  
三公權傾人主所薦莫不拔擢而雄三世不徙  
官及莽篡位談說之士用符命稱功德獲封爵  
者甚衆雄復不侯以耆老久次轉爲大夫恬於

執利。迺如是實好古而樂道。其意欲求文章成  
名於後世。以爲經。莫大於易。故作太玄。傳莫大  
於論語。作法言。史篇莫善於倉頡。作訓纂。箴莫  
善於虞箴。作州箴。賦莫深於離騷。反而廣之。辭  
莫麗於相如。作四賦。皆斟酌其本。相與放依。而  
馳騁云。用心於內。不求於外。於時人皆習之。唯  
劉歆及范滂敬焉。而桓譚以爲絕倫。王莽時。劉  
歆、甄豐皆爲上公。莽旣以符命自立。卽位之後。  
欲絕其原。以神前事。而豐子尋、歆子棻復獻之。



莽誅豐父子，投蔡四裔，辭所連及，便收不請。時雄校事天祿閣上，治獄事使者來，欲收雄，雄恐不能自免，迺從閣上自投下，幾死。莽聞之曰：「雄素不與事，何故在此間？」請問其故，迺劉棻嘗從雄學，作奇字，雄不知情，有詔勿問。然京師爲之語曰：「惟寂寞，自投閣，爰清靜，作符命。」雄以病免，復召爲大夫。家素貧，耆酒人希至其門。時有好事者，載酒肴從游學。而鉅鹿侯芭常從雄居，受其太玄法言焉。劉歆亦嘗觀之，謂雄曰：「空自苦。」

今學者有祿利，然尚不能明易，又如玄何？吾恐  
後人用覆醬瓿也。雄笑而不應。年七十一，天鳳  
五年卒。侯芭爲起墳，喪之三年。時大司空王邑  
納言，嚴尤聞雄死，謂桓譚曰：子常稱楊雄書，豈  
能傳於後世乎？譚曰：必傳。顧君與譚不及見也。  
凡人賤近而貴遠，親見揚子雲祿位容貌不能  
動人，故輕其書。昔老聃著虛無之言，兩篇薄仁  
義，非禮學，然後世好之者尚以爲過於五經。自  
漢文景之君及司馬遷皆有是言。今揚子之書



文○義○至○深○而○論○不○詭○於○聖○人○若○使○遭○遇○時○君○更○  
閱○賢○知○爲○所○稱○善○則○必○度○越○諸○子○矣○諸○儒○或○譏○  
以○爲○雄○非○聖○人○而○作○經○猶○春○秋○吳○楚○之○君○僭○號○  
稱○王○蓋○誅○絕○之○罪○也○自○雄○之○沒○至○今○四○十○餘○年○  
其○法○言○大○行○而○立○終○不○顯○然○篇○籍○具○存○



今學者有祿利然尚不能明易又知玄何者  
彼人用覆轡也雄笑而不應年七十一又鳳  
山年亦依世爲起墳喪之三年時大司空王邑  
其書言大計而立終不顯然爲錄具亦及見也  
王蓋精錄文畢也自錄之變至今四十餘年  
以爲歎非聖人可計錄也春秋吳蓋文侯  
周賀以爲也錄善明也與越前千與和以爲  
揚侍郎集卷全終







